

Что ты наречем, кабаچه, река ли еси быстрая, но понеже бе на тебе время ноцное, и быстрины твоего течения престанут, целовалники учнут; корчмо несытая утробо, моли с голянскими своими о недостатках наших.

Что ты наречем обрадованная, небо яко восияла еси, солнце правды рай, яко возрастила еси цвет нетления, деву, яко пребыла еси нетленна чистая... моли спастися душам нашим. (Ч.)

Стихиры глас 8 подобен: что вас наречем. Что ты именуем, апостоле, небо ли, яко славу исповедал еси божию, реку ли, яко тварь напояеши тайно... моли о спасении душ наших. (М.)

Слава недобрая пианицам. Глас пулной.

Вооружився крепко на пиющих, кабаچه недостойны, веселы, яко неки зверь при горах, такожде и ты, кабаچه погибелны, по вся дни привлекаая к себе на веселие и на пропитие платья и денег, всяким неправдам крепки воевода, напаче воеводы, занеже и самого воеводу (39) обидишь, понеже ты молча уловляеши человеки, яко же и всего им лишитися имения, иже долго время привлекаеши к себе на веселие, долго быти повелеваеши у себе, премудрая суета, голое сиротство, з басы говоришь не то: понеси, размахни, почерпни, наливай, потащи, закладывай, выкупаи, а после отходяще<sup>532</sup> и въздыхающе.<sup>533</sup>

О великое чудо, кто на тя безделное не пронесет, но мы про тебе говорим и злобою кленем тя, а не тешим. Тем же присно с въздыханием<sup>534</sup>.

И ныне глас остаточной.

Что ти принесем, веселая корчмо? Кажды человек различны<sup>535</sup> дары тебе приносит со усердием сердца своего: поп и дьякон — скуфы и шапки (об.), однорятки и служебники; чернцы — манатъи, рясы, клобуки и свитки и вся вещи келейныя; дьячки — книги и переводы и червилы и всякое платье и бумажники пропивают, а мудрыя философы — мудрость свою на глупость пременяют; служилые люди — хребтом своим на печи служат; князе и бояре и воеводы за меду место величаются; пушкари и салдаты тоску на себя купили, пухнут, на печи лежа; сабелни[ки]<sup>536</sup> саблю себе на шею готовят; лекари и обманщики<sup>537</sup> напастья на тебе<sup>538</sup> величаются; тати и разбойницы веселятся, а холопии спасаются, кости нося]<sup>539</sup> (310) в приполе, говорят быстро, плюют далече, з басы на погибель бросаютца, басливые батоги на тебе освящаются, жовки блуд и скаредство приносят, мужни жены добрые срамоту себе улучают, зер[н]щики и костари и такалщики усовую болесть себе получают, ставают, охают, ложася стонут,

<sup>532</sup> отходят И. <sup>533</sup> въздыхают И. <sup>534</sup> доб. поминаем И. <sup>535</sup> доб. всякия И. <sup>536</sup> доб. И. <sup>537-538</sup> на И. <sup>539</sup> возобновляется сп. П. отсюда проп. до жития в Р. И.